

山川

四

青海省地方史志
資料摘鈔集

元年七月九
日核對

思抄青海誌畧

第二章地勢

青海為高原地巴顏哈喇山脈橫貫其中為黃長河
江上源之分水嶺長江由川湖下吳越黃河繞沙漠走
燕齊分中國地勢為南北二部唯青海實握其總樞
紐又適位於中國全部之中央南連藏衛西負回疆東
南接蜀道東北枕依隴右中有噶達素齊峯河源出焉
南有巴薩通拉木山江水發焉青海湖在其東北部周
迴五百餘里淵然停瀦地味瘠薄唯青海有魚鹽之利
四圍水草豐美成天然之牧場其餘山嶺川河之條幹

縱橫交錯蔚成大觀其高度以西南部勒科爾烏蘭
達布遜山為最富^高有二萬餘尺祁連山高二萬尺巴
顏哈喇山唐古刺山脉均在一萬五千尺上下其東北
盆地之青海湖面猶拔海九千八百尺西北盆地之柴達
木河南岸拔海九千二百五十尺青海高原平均高度
在一萬尺至一萬三千尺之間東部舊西寧道各縣
川原相間早經開墾北方盆地多湖泊饒水草為
蒙古族游牧之地平原千里一望無垠地暖土肥頗
宜農牧南方山谷富於森林水分充足且落葉腐
積地質肥沃宜於種植為玉樹二十五族駐牧之地西北

柴達木亦係低濕之區頗似古湖涸底四週復繞以
山脈氣候乾燥不適耕作西南高地氣候高寒雨量
極少夏隆枯瘠耕種不宜部落之所不居因生物
難以生存行旅往來時虞僵死東南部雨澤尚多不
乏野生植物耕牧俱為適宜為果洛克五族駐牧之
地茲略誌各地高度如次

勒科爾烏蘭達布遜山 二二〇〇〇尺

祁連山 二〇〇〇〇尺

積石山 一八七五〇尺

巴顏哈喇山 一七一八八尺

喇嘛托羅海山

一五九三八尺

雅龍江西岸

一五一二五尺

唐古刺山

一五〇〇〇尺

布喀河上游北岸

一四六五六尺

舒噶山

一四六四六尺

長江發源處

一四二六六尺

鄂陵湖面

一三三四四尺

扎陵湖面

一三三四四尺

積石山東端之黃河

一二五三一尺

青海東北岸

一二四六九尺

青海東南岸

一〇四三八尺

青海湖面盆地

九八〇〇尺

柴達木河盆地

九二五〇尺

湟源縣

八一五九尺

西寧縣

六七五〇尺

第三節 山脈

一、唐古剌山脈

唐古剌山脈為崑崙之南支由崑崙正幹出葱嶺東

走為托古茲達坂再東為勒科爾烏蘭達布遜山

跨青海與西藏界而圍輪東走者為固爾班布羅

齊山為巴薩通木拉山江源出焉為拜都嶺其南有

山口曰唐古刺）為當拉嶺（其南有山口曰伊克諾木罕
渾巴什山口為青海通西藏之大道）至格爾吉匝
噶那山瀾滄江源出焉山脈至此遂分兩歧沿瀾
滄江南而東走者為果瓦拉沙山為仄拉克山拉岡
木瑪山巴喇克丹蘇克山阿克達木山瓦勒山我
拉山經中壩蘇魯克囊謙等族地至岡蘇木山入
西康境為他念他翁山脈沿瀾滄江北而東走者為
朝午拉山加却山達克木山子勒麻朵山薩拉嶺雜
楚庫公山曾額巴爾都山色吾且及山經格吉扎武
迭達布慶覺拉蘇爾莽等族地至朔拉嶺入西康

境為寧靜山脈

二巴顏喀喇山脈

巴顏喀喇山脈為崑崙之中支又稱阿馬尼穆占
木遜祖山之支也自勒科爾烏蘭達布遜山東走
為巴顏喀喇得里奔山高一萬八千尺至二萬尺那
木齊圖烏蘭木倫河導源於此再東為巴顏喀喇
烏拉山各爾山查莫托羅海山匝巴顏喀喇山阿木
屯巴爾布喀山阿克坦齊欽山噶達素齊老峯至
娘磋族境分東北東南二支東北支沿黃河北岸
東走為貌木克達山更東北延黃河曲中為瑪沁

雪山滂馬山大積石山為積石山脈東南支為長江
與黃河之分水嶺沿黃河南岸東南支為拉麻托
羅海山至奇爾薩托羅山又分為二支一支北支為擇
巴顏喀喇山巴顏托呼木嶺公噶察哈拉嶺郭洛
克山東支至四川與青海界上起頂為岷山是為岷
山山脈一支南支為達隆山加琅山縱貫金沙江與雅
龍若江之間經蒙古爾津稱多竹節歇武等族地南
入西康境為沙魯里山脈

三祁連山脈

祁連山脈為崑崙之北支由崑崙山脈托古茲達坂

分出為阿爾金山阿斯騰格達山入青海境蜿蜒於甘肅青海界上(為青海與甘肅之分界山)為黎頭山呵木尼厄庫山(東接南山業雙嶺)又東為科得里山集魯肯山(自集魯肯山分支入青海境夾大通河源而東南走至日月山與小積石山脈銜接)祁連山頂(主峯在甘肅酒泉縣西南峯高接天一稱天山匈奴呼天為祁連故名)歐喜西山磁窯山甘峻山阿木尼岡噶爾山(自阿木尼岡噶爾山北入甘肅永昌縣境衍為涼州之大雪山)金山察汗阿博圖山達坂山阿里吞巴哈那山鸞鳥山大雷山天梯山雪山東

走入甘肅境為賀蘭山脈沿界山口在大通者為大
石碑在壺源者為扁都口在涼州者為平羌口五
龍口在甘州者為西龍口北崖口金山口雪山口野
牛口大盤口在肅州者為磁窯口庫克托落亥
山皆係出入要路

四 積石山脈

(一) 大積石山脈起自噶達素齊老峯黃河源之
北而東南走為貌布克達嶺阿拉克沙爾山布青山
(即柴達木河發源之谷)哈爾吉嶺車山馬沁雪山滂馬
山大積石山(番名阿木奈瑪勒占木遜山一作阿木尼麻

禪母遜阿林蒙古語曰木素鄂拉即唐書吐蕃傳
所稱紫山虜曰悶摩黎山元史地理志河隴附錄所
稱大雪山亦名耳麻不莫麻譯言騰乞里塔番語謂
祖為阿木奈蒙古語謂瑪勒遜為花色冰為木遜以
山石班駁上多冰雪為青海望山故尊而稱之又阿木
尼謂祖麻禪謂險惡母遜謂冰猶言大冰山也其山甚
高譯言騰格里哈達古語謂天為騰格里哈達山峯
也即禹貢之積石極於黃河曲部之內而止是為
大積石山脈

(二)小積石山脈起自阿拉克沙爾山北走為布青

山朔羅山至台吉額爾德巴圖爾折而東北為阿米
賽什慶山日月山南朔山拉脊山沿黃河北岸經西寧
化隆民和縣地至小積石山（即唐述山）東入甘肅臨夏
縣境是為小積石山脈

五 西傾山脈

西傾山脈起自岷山北麓羊膊嶺北走經和碩特前
首旗土爾扈特南前旗地為西傾山折而東走經和
碩特南右翼中旗入甘肅夏河縣境其分支東有連
古山入同仁縣境西有圖爾根山連古山入貴德縣境

六 南山叢嶺

南山叢嶺縱綴於青海湖岸以西巴顏喀喇山及
祁連山兩脈之間青海四周所有峯巒皆屬之其
大者為布哈山（在英額池）拜王都嶺（在布隆吉爾地）
東）胡胡色爾格嶺（在都蘭縣北）甘珠爾齊老山（在
察汗泊東）當哈拉伊瑪圖山（在鹽池前）
池東）洒朶山（上柴達木）

第四章 河流
一 黃河

黃河為我國第二大川全長約八千里發源於巴顏
喀喇山噶達素齊老峯東南麓當東經九十五度北
緯三十五度拔海一萬四千尺南流納數小水為阿爾

坦河(蒙名阿勒坦郭勒全河之義番名馬曲河)東
南流二百餘里納拓戈河長雲河之水至星宿海(蒙名
鄂敦他拉鄂端諾爾河源附錄云河源在土蕃朵思
甘西鄙有泉百餘泓沮洳散渙弗可逼視方可七八
十里履高山下瞰燦若列星以故名火敦腦兒火敦
譯言星宿也)逕東流有喇嘛托羅海山源出之多庸
河及氣爾撒托羅海山源出之惹牙五河來會瀦於扎
凌湖復東流而出瀦於鄂凌湖有導源於古扎泊之鄂
羅庫河及土爾根河賈五河自南來注之東流經百餘里
至蒙古爾津族地南有珠扎泊衍之庫蘭河北有敖

羅布泊之水來注之又東南流經水沙普地方循哈爾吉嶺而下南有阿雲朵馬河水考考烏蘇河來注之又東循滂馬山而下經達布拉及阿爾純地方流二百餘里有特拉河打日各河哈合隆河噶爾去河可合庸河自南北來注之折而北循大積石山而下經綽羅錫泊及果洛克族地流二百餘里至西傾山下有買河德特坤都崙河都爾達都崙都崙河多拉崙都崙河自南來注之黃河至此成一大曲如環帶折而西流蜿蜒二百餘里至阿克族境其間經過和碩特南前旗前首旗土爾扈特南前旗和碩特南左中南右

中察罕諾門汗等旗地南有下秀河果合庸河滂馬
河胡魯木蘇河結博河呼呼烏蘇河北有克哈柳圖
河巴庸河什爾郭爾河諸水來注之復折而東北流
經汪什代克族魯木科十七族完受族拉安九族郭
密九族等地流三百餘里而入貴德縣界沿途南有圖
爾根河哈克河北有哈隆烏蘇希拉河江拉河貢朵
泊切吉河西尼泊恰布恰河來注之在貴德縣境有煖
泉河龍池河來注之東流經循化縣境有清水河隆務
河來注之在化隆縣有巴燕戎格河自北來注之復東
流入甘肅境

二長江

長江為我國第一大川全長九千里古名麗水一名神川亦曰犂牛河蒙名木魯烏蘇番名卅曲普通曰通天河其源有三中源出於支雅阿洛火山之東麓其發源之點番名曰求國公一名卅曲公喀東流三百餘里有灘曰巴薩通拉木水貫其中有高崗曰巴薩通拉木山有源出勒科爾烏蘭達布遜山之喀齊烏蘭木倫河罔爾班布羅齊山之莊門格河卡色格能屯灘之朵乃米河錫津烏蘭托羅海山之托克托乃烏蘭木倫河自北來注之曰通那馬灘之八日河郎雲

屯灘之郎河自南來注之南源出於中壩得瑪族在
卡峽嘴山那尺色山之西北麓番名當木曲舊名阿
克達木河西流經當木雲灘納沙東河大車湖茶河
執火莊爭河崩卜河那得瑪河胖郎河約五百里至
當拉嶺北麓再西北流為當木雲河約二百里一匯於
正源北源出於巴顏喀喇得里奔山曰那木齊圖烏蘭
木倫河東流千餘里折南亦匯於正源三源合於拉巴
敦稱為通天河折而東南流千餘里經巴顏喀喇山南
麓及玉樹回族境北有曲馬來雲河岡吾河蒲通水
曲水色勿河登崔那雲水南有木哥河牙雲河科遣

雲河葉卡河登俄隴水來注之經娘磋安冲固察稱
多迭達歇武等族地有義水結古河固察河稱多河
拉布河自南北來注之乃折而南流約四百里經蘇爾
莽貫百福咱山戈立拉山入西康境乃名金沙江即長
江正源也

三鴉礮江

鴉礮江番名咱曲源於巴顏喀喇山脈氣爾撒托羅
海山南麓其源有二曰東庫曲河一曰咱曲河上源曰
鄂格河布拉格東南流二百餘里納車雲河列旦公
馬河列旦班馬河列旦朶馬河諸水經蒙古爾津永

夏白力麥馬白力得馬休馬竹節歇武等族地名
為瑪楚河至馬茂刀仁地方會馬茂河謝楚河南入
西康境為小金沙江

四 瀾滄江

瀾滄江之原有二曰雜楚河曰鄂穆楚河雜楚河
番名雜曲為瀾滄江之北源源出於格吉三族之果
瓦拉沙山又名格爾吉河其源有二曰雜朵曲河曰
雜那曲河東流經格吉三族約五百里納蒲兒河欠
木河諸水至覺拉寺折而東南流入囊謙族地至
烏當先寸地方入西康境會子楚河水與鄂穆楚

河會南流為瀾滄江子楚河番名子曲源出格吉族
之包色吾臣及山東北流經格吉拉休蘇爾莽等族地
會姜雲水南流入西康境至曲克卡地方入雜楚河
鄂穆楚河亦名昂褚河番名解曲為瀾滄江之南
源源出唐古剌山脈之拉爾古東查山其源有二
曰密曲或為穆雲曰松曲或為桑雲東北流至密松
巴吾松多名解曲河北流七十里至更那寺折而東
南流二百餘里經中壩班馬中壩麥馬蘇魯克三
族有雅木曲河桑木曲河陌曲河諸水自南來注
之折而南流經囊謙族至雜干山根會巴曲河水

入西康境與雜楚河合流為闌滄江

五索克河

索克河番名索曲為怒江之上源蒙名哈刺烏
蘇（譯為黑水）其源有二南源拜都嶺古又曰馬

山名古又曲河東北流會於北源北源出於當拉嶺名
薩溫曲河東南流納木魯魯長前河富若河戈保河
飽河諸水與北源合有沙宅河自北來注之折而南流
入西康境為衛楚河

六柴達木河

柴達木河源出於布青山西麓扎遜池西流為拜

哈河至西拉珠爾格塔拉地南納阿拉克池水名柴達
木河折而西北經和碩特西右後西左後西右中等
旗地有古陵昂才不歌○河哈拉烏蘇河烏拉斯河白河那
莫渾河哈拉湖水三望河引得勒河格得爾古河拜
葛爾河自南北來注之折而西北流有烏蘭烏蘇河
布隆吉爾河俱自東來會諸為達布遜池經行凡
千餘里河流縱橫交錯兩岸皆為沙磧之平原稱為
柴達木盆地(烏蘭烏蘇河在和碩特北左翼旗
及達爾貝勒阿爾巴圖往處水西北流南會格得
爾古河北會布隆吉爾河入於達布遜池烏蘭烏

蘇為布隆吉河之間盡為沙漠那木渾河源出那木齊
圖山北流合白河烏爾圖河逕西北流有伊拉泊奈直果
直河哈拉湖舒噶河自西來注之拜噶爾河自北來注
之合流入於柴達木河

七布隆吉爾河

布隆吉爾河有二源一支西流者為布隆吉爾池源
出於拜玉圖嶺合托薩淖爾之水逕西流四百餘里挾兩
岸山泉入於柴達木河一支北流者為布隆吉爾河源
出執克圖山西北踰為額勒池又重出為哈順河已
延河穿西流之布隆吉爾河而北為柴達伊吉河有

柴達伊科河西流注之西有舒哈河塔拉河庫賽河
那們特罕河巴特罕圖河北有博門河鄂爾根河來
會合流北入甘肅敦煌境衍為黨河

八布喀河

布喀河源出於和碩特北右末旗阿木尼厄庫山名
喀喇錫納河南流百餘里穿布喀山與英額池水會東
南流納北來之西納河及罷色河水行六十里與沙爾池
水會東流七十餘里受北來之羅子河及西爾哈河又
東流五十餘里納北來之濟拉瑪爾台河乃名布喀河
又東流七十餘里注於青海岸寬流深青海左右諸水

無大於此者清一統志云即唐之大非川

九 湟水

湟水番名博羅克克河亦名西寧河洛都水其源有二一丈發源於土爾扈特南後旗境之大雪山番名博羅克克河蒙名哈達烏蘇東北流合日月山溝白水河至岳水河又北流出蒙古道口入湟源縣境至縣城南下名南河是為湟水南源一丈發源於剛咱八族之東噶爾藏嶺明志謂之熱水山蒙名卡力蓋有三泉一曰伊克烏拉古兒台一曰土爾根烏拉古爾台一曰察哈烏拉古爾台南流二十餘里匯而為一名崑都崙河有

巴哈圖河來會東南流合土爾根察罕河楊家河至
胡丹度合毛爾吉河東流至湟源城南名西河是為
湟水西源合南源稱為湟水水勢始盛折而東流出
西石峽受藍巴占響河水過閣門峽至西寧境名西
寧河又名^西田川河合牛心川伯顏川甘夷川長寧川水
東流至樂都縣名碾伯河又名洛都水合碾伯川瞿
曇河諸水經老鴉峽合上下川水出民和縣境會大
通河至甘肅永登縣之小紫口入於黃河

十大通河

大通河即古浩亶水亦曰閣門河源出於祁連山

脈之集魯青山南麓上源為烏蘭木倫河東南流經
和碩特西右翼前旗俄博永安北大通蘆花台等地
納左右諸水名大通河屈折東南流入甘肅永登縣
境經連城塞街至大通鎮與湟水會合流至皋蘭

西境入於黃河

第五節

湖泊

一青海湖

青海湖在青海省之東北部當祁連山之南坡東

距西寧二百七十餘里其地高出海面約一萬尺水色青
碧自湟水上源日月山望之冉冉如雲青海古名鮮水
又名仙海西海零海又謂之卑禾羌海蒙語曰庫庫諾

爾（庫庫即青諾爾即海之意）冬稍枯夏稍溢長
六十哩闊四十哩面積約二千三百方里即一萬八千餘方
里（洞庭湖面積約二千方哩實我國第一大鹹水湖也
青海古時面積甚廣西與柴達木低地舊湖通連北
魏時周圍千餘里唐時尚有八百餘里至今周圍約五六
百里湖之深度在湖心達百二十呎距岸十里許約八十
呎全湖之形如鰱魚口向西北四面河流匯入海中者大
小共有數十較大者西為布喀河北為巴罕烏蘭河
伊克烏蘭河東為倒淌河南為大力麻河湖水味鹹
不能飲亦不便舟楫故青海又謂弱水以其水力弱不

勝芥葉也。海中有二島，一曰海心山，狀如軍艦，即唐時所稱龍駒島。島屹峙湖中，高數百尺，長約四里，寬約三里。後因海湖逐漸淺涸，島亦漸大，島偏近西岸，約距三四十里。晴日登高望之，林木青蒼，寺院隱隱可見。番僧習禪定者，冬季結冰時裹糧而入島上，亦有居民，牲畜充盈，而肥壯不如大陸之種。剪毛採乳，冬令運出，易糧足一歲之食。島陸往來，一日不得達，必在冰上經宿。

二 札陵湖

札陵湖在星宿海之東，水道提綱作查靈海周圍三

百餘里東西很長而南北很狹番語謂白為札謂長為陵因湖水色白而形長故名黃河自西北流入又自東南流出蓋以此為孔道焉

三 鄂陵湖

鄂陵湖水道提綱作鄂靈海西距札陵湖五十餘里周三百餘里形如匏瓜西南廣而東北狹黃河經其中自東北流出番語謂青為鄂謂長為陵因湖水色青而形長故名

四 達布遜湖

達布遜湖在青海之西北境一名鹽池周百餘里產青鹽(即茶卡鹽池)青海蒙古及番族皆仰食於此其水

自錫喇庫特山之莫和爾河與布拉克池察罕烏蘇
河西來匯成又自池東南流出經二百餘里會巴爾虎河
柴集河而淪於功額池

五英額池

英額池在和碩特北右末旗北境周百五十里為
布喀河之源一作殷格池

六沙爾池

沙爾池在和碩特北左翼旗東境當拜王都山嶺之
東麓周六十餘里東流匯於布喀河一名善池

七鹽池

鹽池在和碩特東上旗北右末旗境當當哈伊瑪圖山之東北產青鹽一名新鹽池

八塞什克池

塞什克池在都蘭縣之西南約六十里長約二十五里寬約五里產青鹽及白鹽

九哈拉池

哈拉池在都蘭縣之西產石鹽又有鹵井十餘處水味純鹹儼然鹽井大小不等相傳清雍正時岳鍾琪征羅卜藏丹津至此軍士病渴不能行掘井禱天甘泉由地湧出土井不涸不沒即其遺跡云

青海沙漠以柴達木平原為多其大戈壁在柴達木北部當合黎山之南東自英額池起西至柴達木伊吉河南自布隆吉爾河起北至青海省邊界東西袤二百八十里南北二百六十里面積約四萬四千方里其質為極細之沙中含金沙粒漠中空氣乾燥有小沙院略生水草南面無大山屏障遇暴風發時塵埃蔽天晝為之昏飛沙盤旋空中高數十丈沙邱沙淖一日數移人跡罕至倘遇天晴日暖沙浪閃礫成五色紋理早晚常有雲氣結為漠市蒙番見者謂為佛國顯靈羣馬膜拜

據地質學者研究沙漠地質本花岡石以日間酷熱夜間嚴寒漲縮之度過烈石質腐爛成為微細之砂砂粒被風吹散遂成不毛之地中多鹹湖如海柴達木及黃河附近俱有沙漠占地極廣上古時青海水面本極寬闊迄今海岸戈壁及附近之鹽泊俱為古時之海底無疑沙石下必有潛水沙愈深其質愈粗其上浮沙極細下層沙粒如豆泉水即潛其中至深五六尺沙質必濕此已成為定理能識其泉脈所在就其濕沙掘之不過數尺即可見水矣

西甯府續志 下冊

藝文志

青海賦

以環海周圍七百餘里為約

張林森

皋蘭翰林

浩浩乎浮天無岵鼓浪成山近連湟陁遠控河闕沖融沆
瀣潏澤漩環漁汗臨蕃之域滲滛積石之間九曲為之俯
仰百川滙以往還壯乾坤之嶮介作華裔之界閑容告予
曰此古之青海一名仙海亦曰西海卑朱之羌雜寔鮮水
之所廻環者也爾其鬱沸溼茫渰和淪滙駭浪雷奔驚濤
山洗沫飛則日月倒廻湍急則星河匿采如輪軸之激旋疑
滄桑之遷改藐澎湃而經過滑乳淵淪而對待水積千

尋波熬億載觀者未及窮其奇而若曠覽乎滄瀛遠遊乎
寰海其西則紫山霧繞赤水煙浮其南則鹽池出索素鐵
嶺橫秋其東則灘成牛井川涌蠡剗其北則有水皆黑無
沙不流跂蹠踈以別派蛻羅會乎上游涓涓淪而深瀉盤
污激而湮淑龍駒為島麟鳳有洲力弱沈芥波平斲舟商
攄涓涓瀾溢四周是海之巨萬流會蹠陋彼勒且渺乎大
非雲謠波詭朝霞夕暉北海之深羣峰環依勿蠡剗以蠡
是鑄于魏汪洋澎湃窮力崔巍問渡而須冰合未秋而已
雪飛張景順之所窮躡崔希逸之所揚威鯨鯢幽而鑿險
莫能出斯海之範圍若乃海氣所鍾物產斯出魚則鱣鱣

黑斑黃質馬則驄駒千里一日牛則犂犢其風不逸羊則
執羶扣石可叱菽麥蕪菁崇墉比櫛銅鐵丹砂阮滿谷溢
爾雅不能名山經未嘗述揮霍紛紜已居其什六七徒觀
其激浪凌風因歧成澤模山色而皆青鏡天容而盡碧二
山縹渺而宏無一水瀰漫而阻隔聞釋梵之樓遲疑神人
所窟宅亦可渺黑海之宏深陋紫海之狹窄笑黃海之微
茫勝白海之荒僻乘鯉歌仙釣鰲有客弱水既極於三千
仙真應逢乎八百若夫新莽建官而置郡隋煬徙罪而死
居李靖行軍而取道吳仁破虜而擒渠次星宿而功成君
集築神威而戎置哥舒吐谷渾之遊北乙佛勿之食魚先

零羌之部落永邵卜之穹廬代更世遠新佈舊除伏俟之
城安在仰華之寺久墟混千秋而萬禩縱一覽而無餘今
北海也近居藩服之中早入版圖之裏哈拉淖爾之名同
輝克託羅之地是塞布騰之馴擾依然羅卜藏之前平久
矣環海而游牧者獻賚琛沿海而軍屯者聯臂指祀事重
兮春秋治化同兮文軌固宜海若效靈海波不起威德早
被乎八荒而梯航皆來自萬里

積石歌

吳鎮

羽山黃熊老無謀萬國戢戢生魚頭聖子疏鑿起積
石神工鬼斧驚千秋天門屹立雲根斷靈光閃閃飛
雷電君不見悠悠河水向東流至今無復蛟龍戰

對虎

甘肅青史略卷之一

鎮原慕壽祺少堂甫著

受業趙元貞
李炳全校

八十載命禹治水禹導河自積石始

北條之水河為大水潛崑崙注蒲昌經行大荒之中殆
二三十里及其入中國見神怪頡頏洞騰湧拍天駕地
而來者積石始顯此大積石也在青海吐谷渾之故地
禹導河當從此始當是時舜代堯行天子事以洪水
為中國害也欲平之咨四岳僉曰伯禹作司空舜曰
往哉汝諧可知唐虞時代天下為公用人經會議而
後行四岳十二牧皆四方諸侯所舉代議士即今各國

上議院是為中國共和最古之明證夏以後此義不明矣
案山海經云積石之山其下有石門河水冒以西南流
萬物無不有水經云河水南至積石山下有石門與山
海經吻合唐貞觀中詔李靖侯君集等西征吐谷渾
軍次鄉州始議所向後戰於曼都山窮追出塞登漢
哭山復戰於烏海破天柱部於赤海君集道宗行空
荒之地二千里乃次星宿川達柏海上望積石山觀河
源皆指大積石山而言至唐開元中張守節作史記正
義云河州有小積石山河出大崑崙經于闐入鹽澤渚
行入吐谷渾界大積石山又東北流至小積石山是以在

吐谷渾界為大積石在河源關者為小積石其名迹
未可混也

案水經注引春秋說題辭云河之為言荷也荷精分布
懷陰引度也考經援神契云河者水之伯上應天漢新
論云四瀆之源河最高而長存從高注下水流激峻故其
流急禹貢言導河始於積石淮南地形訓遂云河出
積石是以施功所在為河源矣言河源者山海經多
傳聞異詞惟爾雅為最古太史公引禹本紀言河出
崑崙是爾雅所本也呂氏春秋言古龍門未開呂梁
未發河出孟門大溢逆流名曰洪水禹乃決流疏河

為彭澤之漳所活者千八百國

又案黃河自鹽澤西來暨達潼關其面勢所向凡四大折或與北狄分境或當北狄東路其初一折由積石而遡遼中則鄯蘭也是以折也及至靈州西南遂轉北而行凡千餘里北河西岸即為涼肅甘沙四郡是又一折也迨其北流千里而遙至九原豐州則又轉而東流故豐州北面正注大河又是一折也豐州之東為榆林北境固抵大河而河從此州之東又轉而南故勝州東北西面皆抵大河也自此而往直至潼關皆是河南矣此又一折也

慕壽祺曰予初至蘭州見黃河抱城流東西百餘里
用翻車溉民田其利溥哉及由蘭州順流而下過青銅
峽秦漢唐諸渠貫穿於河東西塞北江南名不虛
矣又聞西寧沿河一帶披沙鍊金者動輒千數百人
天之所以富甘肅者豈有涯涘哉然非禹導之使
河流順軌而能利益均沾如今日也乎

甘肅青史畧附編卷二

慕少堂

青海山川統計表

省縣別山名高度周國里程山居村落河川名發源流域里程沿河城鎮

甜寧定

里

大夏河 青海

里

張掖

黑河 青海(連祁)

敦煌

黨河 青海 月牙湖 六〇〇

靖西寧 金城三〇

湟水 青海 樂都境 一三〇、鎮海堡

樂都 四望

湟水 大峽口 二子堂 一四〇、川口鎮

大通 元朔

大通河 青海

循化 隆武山

灘水 青海

貴德縣 大雪五〇、八〇、

黃河 星宿海 入雷峯 九〇、康家寨

湟源縣 八寶五〇、一〇、

湟水 西北山 西石峽 六〇、

化隆縣 青沙三〇、一〇、

小河 克欠山 甘都堂 八〇、甘都堂

山水調查記上編

山畧

葱嶺為萬山之祖世界所謂屋脊也蓋自萬山發脈於

葱嶺

即帕米
尔高原

自葱嶺而分為三大支南支為喀喇崑崙山

崙冰嶺而南為岡底斯山喜馬拉雅山脈之所自出北

支自葱嶺而北為天山及阿爾泰山兩山脈之所自出

其東支自葱嶺而東下為崑崙山脈

黃河原在
此山下

其正幹隔

新疆西藏至青海之西端又分為三大幹

(一)北幹

自阿爾金山

抵古亦達坂

向北行東為祁連賀蘭

陰山諸山脈而東

(二)中幹

自玉樹娘磋加迭喀桑之北境為黃河通

天河之分水嶺者曰巴顏喀喇山

嶺名者又自北

分為大小積石山自南入內地為西傾岷山烏鼠

山秦嶺伏牛大別諸山

右二幹即北嶺禹貢所云導岷及岐導河積石之

二支即北嶺之全部也

(三)南幹

南幹橫貫於中壩格吉玉樹秀拉迭達札

武諸族境內由蘇尔莽境出玉樹為金沙江瀾滄江之分水嶺又一支北走繞出瀾滄江諸源之北又折而東曰朝午那山再東為熊拉山為甯靜山雲嶺南嶺諸脈

貴德縣 河流

黃河第二源發自星宿海東南流至大積石山折向西北繞和碩特南左翼中旂牧地轉而東北至廳屬西南雪倉番地入境北流石尔温图爾根石爾廓等河皆西流注之經龍羊峽東流河以北入西甯縣界蓋楞河暖泉郭納泉皆北流注之又經貴德城北龍池河北流注

之至吉力番莊河北又入化隆縣界折而東南流雙布
河康寨河皆北流注之至采洞三岔河東流注之入循
化界

循化縣

黃河自循化青德縣境西流至循化所屬之宗務硃保安大
河南來注之東經查漢大寺工又經蘇只工至掌教坊
渡口又東經查家工邊都溝水南來注之東流經街子
工又東逕城北至土門墩折而北傍小積石山經清水
工北又東起台溝水東南來注之入峽經孟達工至木
廠塘入積石關至臨夏臨縣界

崑崙山 甘肅面崑崙之陽西北羣山之脈絡由此而分
萬水之源流由茲而導然被黃河隔斷非甘肅所應
有蓋中國古籍所稱之崑崙佛經所言之須弥北印
度之希馬拉亞皆葱嶺之異名我黃帝朝會萬國諸
侯之所也登葱嶺而四顧其東北則中國新疆南北
各域也其東則青海及旄牛徼外諸也岷番也其東
南則前藏及哲孟雄白布諸國也其南則五印度
西南則阿富汗皆屬於英其西則克什米尔西北搭
什千教罕基發諸國回部皆屬於俄此三國者皆地
球最大之國閱天下全局之安危者也英人謂希馬

拉亞即古之崑崙今後藏所稱岡底斯山者也極力
經營閱六十餘年何若是其不憚煩哉必謂西人不
貪土地專通商或為避暑決無意外雖至愚者當不
謂然

大積石山 禹導水所行無外國地黃河自大積石入
雍域為中國河禹導河自此始今循化城北面過河
不及一里有石山連巖聳峙即水經注之唐述山唐
人謂之小積石山杜佑通典誤以為禹貢之積石者
齊氏云小積石西十四度極三十六度計西南去大
積石五百餘里此以度數雅推之徑直鳥道相距數

里數人行當不止此以胡民之言考之大積石已屬
中國雍州之域小積石更在其內數百里其為雍州
之地更可知矣且循化北與西甯接壤南與岷岷接
壤西與西甯之貴德縣接壤大積石在貴德西南邊
外湟水在西甯西傾山^在岷岷所謂湟水之南積石之
北西傾之西循化固在其中其為雍州地無疑義矣
黃河 自崑崙發源後潛行至大積石山壁中而出東
北行經貴德縣之西入甘境

案漢書西域傳河水一出葱嶺一出于闐合注蒲昌
海此黃河重源之說也葱嶺即崑崙河水所自出此

四庫全書之自和南

一源也自展關至和闐南至浚藏四五百里之東周
回萬里皆星宿海也在賀卜諾爾境世所傳黃河發
源處此又一源也元世祖至元十七年遣都實往求
河源在今青海境內吐蕃朵甘思地方見有泉百餘
泓履高山下厥燦若列星故名大敦腦兒即羅腦兒
實為河水潛行洩出之象即所謂星宿海也從此彙
合諸泉過阿水尼瑪勒占水遜山之北又轉而東北
約行半月至貴德州謂賀卜諾爾大敦腦兒即星宿
海也星宿海在阿水尼瑪勒占水遜山之麓即禹導
河之積石西甯志所載之大雪山也

湟水 源出塞外流經西甯縣北古湟中之名由是水

也班固云臨羌縣西北塞外有海鹽池北則湟水所

出西甯府志水自西塞入境又西碾二邑諸水匯入

皆謂之湟水蓋湟水發源不一西甯府志云烏蘭哈達及莫擇免

泉水會流約百餘里至湟源縣東南阿拉庫托尔及

圖尔根泉水會流約七十餘里亦至湟源縣統匯成

河由西石峽進口名為西川河北湟水也而西甯之

北川河南川河皆入湟水經大小石峽經樂都縣東

南行一百里至李土司享堂與大通河會又行一百

一十里至皋蘭縣張家河壩匯入黃河

案湟水有二源一發源於青海東北境噶爾藏嶺上
游曰博羅克克河南流折東南入湟源縣至西甯
境內車卜魯川合養川女諸水入焉俗名北川河其源
亦出青海撥科山故又謂撥科水甘肅新志圖謂
為即博羅克克河誤

案太平御覽湟水東流經湟中城故小月氏之地也太
平寰宇記湟水河在破羌縣南門前東過六合水自
南破羌水自北左右翼注應邵云漢宣帝神爵二年
置破羌城張澍云湟水本漢破羌縣地屬金城郡漢
破匈奴取河西地開湟中處月氏即此湟水俗呼湟

河又名樂都水南涼禿髮烏孤始都此

浩亶水 源出甘州府西南番界東南流逕西甯大通縣南又東南經樂都縣東北至永登縣境與湟水合由西塞外流至此計行二千里湟水行八百餘里至皋蘭縣西一百里張家河口入黃河

案浩亶水因漢設浩亶縣得名一曰閭門西甯人呼為大通河其命名之義蓋起於宋築大通城於河上亦猶改鄯州為西甯州遂呼湟水為西甯河改樂都為碾伯遂呼湟水為伯碾河也

通天河 屬今青海河寬八丈有奇水勢甚平其右岸

有塔相傳唐玄奘晒經於此

離水 源出青海蒙古牧地東北流經拉卜楞寺又東北循化縣咱又河下哈家河皆南來注之折而東南出土門關入故河州境土人名為大夏河誤

青海 水之潴畜者為海海之名亦多矣而青海為最大周圍七百餘里今在青海湟源縣之西漢時謂之西海又名卑禾羌海即古鮮水也番名苦苦諾兒為厄魯特及土爾扈特喀爾喀回^特牧各旗莊牧地東至臨夏界西至西藏界南至四川界北至嘉峪關外安西縣界延袤二千餘里

蒲昌海

一名鹽澤在敦煌正西關外即羅布淖尔古所

稱為星宿海也者山海經不周之山東望泐澤河水所潛

也其源渾渾沌汜漢書西域傳于橐闐河與葱嶺河

合東注蒲昌海一名鹽澤去玉門陽關三百餘里廣袤

三百里其水停居冬夏不增減皆為潛行地下南出於

積石為中國河云括地志鹽澤一名輔目海一名穿

蘭一名臨海在沙州西北今敦煌縣古沙州也

色騰雨海 在敦煌縣西南三百餘里水出雪山之陰西

北流潛為澤為青海要道

中國山脈皆權輿葱嶺自葱嶺而南者為喀喇闊魯穆

嶺卽崗底斯山喜瑪拉亞山兩脈之所由出自葱嶺而
北者為廓克沙里嶺卽天山阿爾泰山兩脈之所自出
以其與玉樹無關故不述自葱嶺東下者為崑崙山脈
其正幹間隔新藏至青海西端再分三大幹北幹為祁
連賀蘭陰山諸脈已見於前中幹枕玉樹娘碾加迭喀
桑之北境為黃河通天河分水嶺蒙名巴顏喀喇山藏
名奢拉山其自黃河源北分者成大小積石山其自黃
河南入內地者為西傾岷山烏鼠秦嶺伏牛大別諸脈
其自鴉隴江源東南迤者為素龍山脈南幹橫貫中興
格吉玉樹拉秀迭達札武諸族境內由蘇爾莽莽境出

玉樹為金沙瀾滄之分水嶺蓋自當拉嶺迂迴起峰一支北走繞出瀾滄諸源之北折而東稱朝午拉山再東稱熊拉山為寧靜雲嶺南嶺山脈至鴉龍江金沙江等水上流均在青海省所屬玉樹境內

西藏青海西康在地理上天然造成三不相同之形勢蓋西藏之南為喜瑪拉雅山脈北為崑崙山脈南北兩山脈環抱藏境之南西北三面而岡底斯山又復蜿蜒於其中遂成一大高原西康者我國橫斷山脈之發源地北則唐拉¹²山脈之當拉嶺脈東西橫亘為青康之分界東以大雪山脈與四川分界西以色隆拉嶺及喜瑪

拉雅東支之起伏造成康藏界限其間山脈河流大抵由北而南以入川滇青海西為勒科爾烏蘭達布遜山北為祁連山南為唐古拉山而已顏喀拉山橫貫其中為我國長江黃河兩大水源之分界此三區者各有其地理上之特色與天然之界限國家設官分區因勢利導清季以川滇邊務大臣治康以西甯辦事大臣治青民國均設鎮守使十七年均改為省故行政區畫上康青與藏截然毫無關係其有關係者厥為種族與宗教蓋達賴在黃教上有超越地位而青海南部玉樹一帶其西康西部均奉黃教人民亦屬藏族近世以來蒙弱藏強在前清

之季霸凌廢政策終於失敗剝致西藏幾同甌脫珠崖
可棄漢患無窮於是青康安危勢成唇齒矣

張掖河 即黑水也漢出發源於青海之金羊嶺西甯府志

謂之額濟奈水流經大通縣西北永安城西一百四
十里三角城之南諸水趨會其勢漸大至張掖自鶯
落峽出口

討來河 古名呼蠶水源出祁連山下在金佛寺南一
百一十里西流繞南山之後其勢甚急人馬不可涉
唯天生楚堤二橋可渡至邙來泉堡西南分派北流
謂之討來河又折而東北入酒泉境

崑崙山脈攷

中國山脈皆起於蔥嶺之波謎羅高原所謂羣玉之山
平阿魚隘四徹中綫者也曰喜馬拉雅山系山之陽為
印度之西北部及十年一貢之廓爾喀國山之陰則為
西藏最高之額非爾斯峯達二萬八千二百十尺為全
世界第一高峰曰崑崙山系山勢自西趨東由冰山入
後藏包雅魯藏布江為新疆與後藏之分界迤東入藏
橫貫青海又東護甘肅出長城經山西直隸邊外凡西
二盟部落罔不錯居於陰山之麓又東南行至朝陽奉
天一帶而東四盟五十旗賓游牧耕稼於其中又東北

為蘇克蘇魯山當外蒙古車臣汗部與黑龍江西南兩
界之上起頂為索岳爾濟山以接於伊克古克達即內
興安嶺是也曰阿尔泰山系北支蜿蜒於外蒙古北邊
列置卡倫鄂博於其上為中俄天然之界線南支全在
我國北方境內自西北向東南如烏雲一道斜展瀚海
中其東北為杭愛山自科布多之北鄂爾爾阿尔泰山
脈分出扣長龍東南走其東端為哈喇和林山之北蒙
兀窩闊台汗所築之和林城在烏杭愛之北為唐努山
唐努烏梁海等族之息壤焉又迤東至土謝圖汗車臣
汗二部之間起頂為骨特山喀示喀四部落均望山而

祭焉今就甘肅而論如甘州之祁連山寧夏之賀蘭山
平涼之堂峒山西寧之積石山河套之狼胥居山其脈
皆自崑崙而來登高一望廣漠無垠凡天生之植物動物
取之無窮用之不竭山海經所不及載博物圖所不及
詳尤不可更僕數而地寶之鬱萃於地中者更無論矣
徒以冰雪風沙間闕阻隔故其人民多未開化以致貨
棄於地殆數千年於茲矣

